

ጳውሎስ ጥቶስ ፃፊዳ ኪታ ጋሳ ቆፋ

ጥቶይ አይሁዳ ጊደና አሰ። ሺን ጉዩፔ አማኒዲ። ጳውሎስ ዋንጌላ ኪታ ኦሱዋ ኦሊያ ዋዴ ማታን ኢያ ማዲዳ አሰ። ሄ ዋዴ ጥቶይ። ዋሳ ኬላ ፃላናውኔ ናጋናው ቃርፃሳ ቢታን አተሰ። ሃ ኪታይ ሄቩ አይፌ ቆፋታ ኦይኬሰ።

1) ዋሳ ኬላ አይሲያ አሳይ። ኢታ ዱሱ ዴዲያ ቃርፃሳ አሳ ማታን አይ ሜላ ሎዖ ዱሱ ዳናው ኮሺያኮ ጥቶ አኬኪሴሰ።

2) ዋሳ ኬላ ጊደን ዴዲያ ዱማ ዱማ ጩጌታ። ሄሲካ። ጨማ አሳታ። ያላጋ አዴታኔ አይሌታ ዋቴ ታማርሳናው ቤሲያኮ ጥቶ ዘሬሰ።

3) አማኒያ አሳ አማኖ ዱሳባ። ሄሲካ። ሳርቴላኒኔ ሲቆን ዳናባ። ዋሳ ኬላ ጊደፌ ኦሺ። ፓላማኔ ቫሆቴሌ ዲጋናባ ጥቶስ ዘሬ ኢሜሰ።

ጥቶ ኪታ አይፌ ቆፋታ

ጌሎ ቆፋ 1:1-4

ዋሳ ኬሌ ካሌሊያ አሳ 1:5-16

ዋሳ ኬላን ዴዲያ ዱማ ዱማ ጩጋታ ኦሶ 2:1-15

ዘሬኔ ናጊሶ 3:1-11

ኩሻ ቆፋ 3:12-15

1 ዩሱስ ከሪሰቶሳ ሃዋሬይኔ ያሳ አይሌይ። ጳውሎስ። ፃፊዳ ዳብዳቢያ። ያሳይ ደሪዳ አሳ አማኑዋ ዲቻናዳኔ ቱማ አያና ዴዐዋ ዋኒዲ ዳኔኮ ቤሲያ ቱማ ኤራኮ ኤንታ ካሌላናው ታኒ ኪቱታሰ።

2 ሄ አማኖይኔ ኤራቴላይ ሜሪና ዴዐዋ ኡፋይሳ ቦላ ዜምፕሰ። ሄሳ ዳር ዋዴፔ ሲንፊ ዋርዶቶና ያሳይ ኦሰ አማና ጊዲ ቃላ ጌሊሰ። 3 ኦና አሺያ ያሳይ ባ ዋዴን ሃ ኪታ ኦዳና ሜላ ታው ሃዳራ ኢሚሰ።

4 ኦ ኮፊ አማኑዋን ታ ቱማ ናባ ጊዲዳ ጥቶ።

ያሳ አዋፔኔ ኦና አሺያ ዩሱስ ከሪሰቶሳጌ አጼ ኬሃቴላይ። ማርቴላይኔ ሳርቴላይ ኔው ጊደ።

ጥቶይ ቃርፃሳን ኦሊያ ኦሱዋ

5 ታኒ ኔና ቃርፃሳን አጋዳ ዪዳይ፣ ኔኒ አቲዳባ ገገሳናዳኔ ታኒ ኪቲዳይሳዳ ካታማ ኡባን ዋሳ ኩላ ጪማታ ዶራና ማላሳ።
 6 ጪማ ጦራቶናይሳ፣ ኢሲ ማቼ አዚና፣ ማራ ቋዮን ዋይኮ ኪቴቴላ ኢዶን አሲ ጦርና አማኒያ ናይቲ ዳዒያ አሲ ገዳናው ቤሴሰ።
 7 ዋሳ ኩላ ጪማ ያሳ ኦሱዋ ሃዳራ ኤኪዳ ገሾ ጦራቶናይሳ፣ ኦቶርቶናይሳ፣ ኤሌ ዪሎቶናይሳ፣ ማሶቶናይሳ፣ ኦዳ ማጶናይሳኔ ቤሶና ጎዳሰ ዳፊቶናይሳ ገዳናው ቤሴሰ።
 8 ሺን ኢማሌ ሞኬይሳ፣ ሎዖባ ኡባ ዶሴይሳ፣ አኬካንቾ፣ ፃሎ፣ ጌሺኔ ባና ሃሬይሳ ገዳናው ቤሴሰ።
 9 ሃራታ ሱሬ ቲሚርቲያን ሚንሌላናውኔ ሄ ቲሚርቲያ ኢፃይሳታ ዛራናው ባ ታማሪዳ ቱማ ቃላን ሚኒዲ ኤቃናው ቤሴሰ።

10 ኪቲቶናይሳቲ፣ ፓሶና ኦዳ ኦዳቴይሳቲ፣ ጪማይሳቲ ኡባካ ቃፃሬቴላ ዋጋ ናገያ ዳር አሳቲ ዳዖሶና።
 11 ኤንቲ ቤሶና ኦጌን ሚሼ ዳማናው ኮዪዲ፣ ታማርሳናው ቤሶናባ ታማርሲሼ ኩላ አሳ ኡባ ኢሲያ ገሾ ኤንታ ቲሚርቲያ ቲቃናው ቤሴሰ።
 12 ኤንታ ናቤታፔ ኢሶይ፣ «ቃርፃሳ አሳይ ኡባ ዋዴ ዋርዶ ኦዳቶሶና፤ ኢታ ዶዓታኔ አዛላ ያራሞባታ»* ያገሰ።
 13 ሃ ማርካቴላይ ቱማ ማርካቴላ። ሄሳ ገሾ፣ ኤንታው ቱማ አማኖይ ዳና ማላ ኤንታ ሃንቄታ።
 14 ቱማ ኢፃያ አሳ ቲሚርቲያኔ አይሁዴታ ፓሶና ቶሲያ ሲዖና ማላ ኤንታ ሴራ።
 15 ባንታው ጌሺ ገዲዳይሳታሰ ኡባይ ጌሺ፣ ሺን ቱናታሴኔ አማኖናይሰታሰ ኤንታ ቆፋይኔ ካሃይ ቱኒዳ ገሾ ኤንታው አይቢካ ጌሺ ገዳና።
 16 ኤንቲ ኦ ያሳ ኤርሰ ጎሶና፣ ሺን ባንታ ኦሱዋን ኢያ ካዶሶና። ኤንቲ ያሳን ኢፃቴዳይሳታ፣ ኪቲቶናይሳታኔ ሎዖ ኦሶ ኡባሰ ገዳናይሳታ።

2

1 ሺን ኔኒ ሱሬ ቲሚርቲያ ጳለቆና ቲሚርቲ ታማርሳናው ቤሴሰ።
 2 ጪማ አዳቲ ባንታና ሃሬይሳታ፣ ዋፑ ገዳይሳታ፣ ቦንቹቲዳይሳታ፣ አማኖን፣ ሲቆኒኔ ዳንዳዓን፣ ሚኖ ገዳና ማላ ዘራ።
 3 ሄሳዳካ፣ ጪማ ማጫሳይ ባንታ ዲሳን ጌሻታ፣ ዘገርናይሳታ፣ ዋይኔ ኡሻን ሃሬቶናይሳታኔ ሎዖባ ታማርሴይሳታ ገዳና ማላ ታማርሳ።
 4 ኤንቲ ሄሳዳ ሃኒኮ ያላጋ ማጫሳይ ባንታ አዚናታኔ ባንታ ናይታ ሲቃና ማላ ታማርሳናው ዳንዳዖሶና።

1:6 1፻፱ 3:2-7 * 1:12 ቃርፃሳ አሳይ ኡባ ዋዴ ዋርዶ ኦዳቶሶና፤ ኢታ ዶዓታኔ አዛላ ያራሞባታ፣ ሄሳ ያገዲ ኦዲዳ ናቤይ ኤጲሚንዴሳ ጌቴቴሰ።

5 ያሳ ቃላይ ቦሬቶና ሜላ ባንታና ሃራይሳታ፣ ጌሻታ፣ ባንታ ሶን ኦሴይሳታ፣ ከሃታኔ ባንታ ኣዚናታሰ ኪቴቴይሳታ ጊዳና ሜላ ያላጋ ማጫሳ ታማርሶና።

6 ሄሳዳካ፣ ያላጋ ኣዳቲ ባንታና ሃራና ሜላ ዘራ። 7 ኔኒ ኔ ሁዔን ሎዎ ኦሶ ኡባን ኤንታው ለሚሶ ጊዳ። ኔኒ ኔ ቲሚርቲያን ኤቁዳይሳኔ ኣማኔቲዳይሳ ጊዳ። 8 ኑ ሞርኬቲ ኑና ዘጊራናው ጋሶያባይ ኤንታው ጳዩን ኤንቲ ዩላታና ሜላ ኔኒ ቦሬቶና ሎዎ ኦዳ ኦዴታ።

9 ኣይሌቲ ኡባባን ባንታ ጎዳታሰ ኪቴታና ሜላ፣ ኤንታ ኡፋይሳና ሜላኔ ኤንታራ ፓላሞና ሜላ ዘራ። 10 ኤንቲ ባንታ ጎዳታፔ ካይሶቶፖ። ሄሲካ፣ ኑና ኣሺያ ያሳ ቲሚርቲይ፣ ኡባ ኦጌን ዶሴቲዳይሳ ጊዳና ሜላ ባንታ ኦሴያ ኦሱዋን ኣማኔቴይሳታ ጊዳይሳ ቤሳና ሜላ ኤንታ ዘራ።

11 ኣሴ ኣሺያ ያሳ ኣጼ ከሃቴላይ ኣሳ ኡባሰ ቆንጩሰ። 12 ሄ ኣጼ ከሃቴላይ፣ ኑ ናጋራኔ ሃ ኣላሚያ ኣሙዋ ኣጊዲ፣ ሃ ዋዲያን ኑና ሃራዲ፣ ቱማ ኣያና ዴቡዋኒኔ ዪሎቴላን ዳና ሜላ ኑና ታማርሶሰ። 13 ኑኒ ኣንጃቲዳ ኡፋይሳ ጊዲዳ ጊታ ያሳኔ ኑና ኣሺያ ዩሱሰ ኪሪሰቶሳ ቦንቾ ቆንጩሳ ናሰሰ። 14 ኢታ ኦሶ ኡባሬ ኑና ዋዛናዉኔ ሎዎባ ኦላናው ኣሞቲያ ባ ጌሻ ኣሲ ከሳናው ኑ ጊሾ ባና ኣሊ ኢሚሰ።

15 ኔኒ ሃይሳ ታማርሳ፤ ኩሜላ ማታን ዘራ፣ ሴራ፤ ኦኒካ ኔና ካጵፖ።

3

ኣማኒያ ኣሳ ኦሶ

1 ኣሳይ ዴሪያ ሃራይሳታሰ፣ ኣዋቴላይ ዴዔይሳታሰ ሃራታናው፣ ኪቴታናዉኔ ሎዎ ኦሶ ኡባ ኦላናው ጊጌቲዳይሳታ ጊዳና ሜላ ኣኬኪሳ። 2 ቃሲ ኤንቲ ኦዴ ቦላካ ኢታ ኦዴቶና ሜላ፣ ሳር ኣሲ ጊዳና ሜላ፣ ኣሽኬታኔ ኣሳ ኡባሰ ካጼቴይሳታ ጊዳና ሜላ ዘራ። 3 ኑኒ ካሴ ኤያታ፣ ኪቴቶናይሳታ፣ ባሌቲዳይሳታ፣ ዲማ ዲማ ኣሾ ኡፋይሳሲኔ ኣሞሰ ኣይሌቲዳይሳታ። ኑኒ ኢታቴላኒኔ ቃናቴን ኩሚዳይሳታ፤ ኑ ኣሴ ኢፃይሳታ፣ ኣሲካ ኑና ኢፃይሳታ። 4 ሺን ኣሺያ ያሳ ከሃቴላይኔ ሲቆይ ቆንጩዳ ዋዴ 5 ኑ ኦሴዳ ዪሎ ኦሱዋ ጊሾ ጊዳናሺን ባ ማርቲላ ጊሾ ኑና ኣሺሰ። ኑና ኢ ኣሺዳይ፣ ናሞዓንሎ ዩሌቴላ ሜቻኒኔ ጌሻ ኣያና ባጋራ ኢሚዳ

2:14 ማዝ 130:8፤ ኬሳ 19:5፤ ዛሬ 4:20፤ 7:6፤ 14:2፤ 1ጴ፯ 2:9

ኦራላ ዳዑዋና። 6 ሄ አያና፣ ያሳይ ኑና አሺያ ዩሱስ ከሪስቶሳ ባጋራ ኑ ቦላ ዳርሲዲ ጉሲስ። 7 ባ አቋ ኬሃቴላ ባጋራ ኑና ያሊሲዲ ሜሪና ዳዑዋ ላታ ኡፋይሳ ኦይካና ሜላ ሄሳ ኦሊስ። 8 ሃ ቃላይ አማኔቲዳ ቃላ። ያሳ አማኔይሳቲ ሎዎ ኦሶ አላናው ጊሊዳይሳታ ጊዳና ሜላ ኔ ሃ ቃላ ሚንላዳ ኦዳና ሜላ ታ ኮያይስ። ሃይሳቲ አሴ ኡባስ ሎዎኔ ጎዔይሳታ። 9 ሺን ኤያቴላ ፓላማፔ፣ ኮቻ ታይቦፔ፣ ካቻፊኔ ሂጌ ጋሶን ዳንዲያ ኦሻፊ ናጌታ። ሄሲ ጎዒኔ ዎዴይ ባይናባ። 10 ሻሆቴላ ሜዲያ ኡራ ኮይሮ ዘራ፤ ናምዓንሎ ሃንቄታ ሄሳፊ ጉዬ ኢያፔ ሃካ። 11 ሄሳ ሜላ አሲ ጌላኔ ናጋራንቸ፤ ኢ ባ ቦላ ፒርዳይሳ ኤራ።

ወርሴላ ዘሪ

12 ታኒ ባልጎ ያን ሻጫናው ቆፒዳ ጊሾ አርዳማሳ ዎይኮ ቲኪቆሳ ኔኮ ከቲያ ዎዴ ኔ ታኮ ኒቆጲሊዮና ያናው ሚና። 13 ሂጌ ኤሪያ ዜናሲኔ አጲሎሲ ኦጌ ቢያ ዎዴ ኤንታው ኮሺያባይ ፓጮና ሜላ ኤንታ ማዳ። 14 ኑ አሳይካ ፓሶና አሲ ጊዲዲ አቶና ሜላ ባንታው ኮሺያባ ዳማና ሜላ ሎዎ ኦሶ አላናው ሚኒዲ ታማሮ። 15 ታራ ዳዒያ ኡባይ ኔና ሳሮ ጎሶና፤ አማኖን ኑና ሲቂያ አሳ ሳሮ ጋ።
 ያሳ አቋ ኬሃቴላይ ሂንቴ ኡባራ ጊዳ። አሚንዒ።

3:12 ሃ.ኦ 20:4፤ ኤፌ 6:21-22፤ ቆላ 4:7-8፤ 2ጊሞ 4:12 3:13 ሃ.ኦ 18:24፤ 1ቆሮ 16:12

ኦራሳ ጩቂዋ ኅፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022

c35d6c73-3843-5482-b53e-7559d35deee5